

洛西野人津久井某謹獻書官長閣下。○中某少小最耽典籍特注心皇朝史乘偶閱山陵志中言帝陵頽壞之狀未嘗不掩卷而泣下也竊自謂方今聖上撫運百廢興發獨山陵一議未足飽人情也饒敎官家不暇修之苟食其土者何不盡尊崇焉乎哉欲試以此于諸侯顧職非其人加以吏道之倥偬未公語人矣居諸荏苒空抱素志某昔以廕補蚤塵吏曹末而於材無可取於德無可議况亦天與疲弱不欲永壅賢者之路屢移病乞休退職以來周流畿甸歷拜累聖山陵因記其模制以備異日之采要越壬子春山陵點檢之命下不圖以賤息充奉役某喜出望外私於使者曰凡墳陵事蹤躅紛繁范亡確據者不特爲少矣參稽咨謀不積以日月未輒易決定古今論者駟說互出彼此牴牾大都雖傳故家之筆札藉父老之口實要之不過臆度偏見之二今觀元祿享保之論定似少有粗漏試言其二夫寬平幽宮奉于仁和寺大內山蓋下火所在于其山後宇多野衆之所仰瞻和州適有同名以故至遂謂大和國宇多陵所在不知夫審決正僞必無遺憾也識者猶艱之而况其他哉宜召學問淵博通曉今古者以插地之行問兩府故事凡審實機密悲田院垣外屬例任之今亦踵襲舊制以至尊陵墓付之乎捕虜賤人恐非所以副國家恭順之意也爾曹其心之庶依學士柴野氏採訪和州故事分差使臣於四方檢討陵地嘗薦其說祭酒林君時以儒官無堪其任者弗錄用某甚失望然守志彌堅專尋扳援之路矩意閣下誤聽不以某驚下訪以當世某喜懼交荷具陳帝陵頽敗之狀閣下每言稱善當是之時某心竊誇寵榮以爲帝陵事必成於閣下之手亡幾果有檢陵之令躬親巡視近郊特簡僚屬中緝密純良者贊協其議包容不舍於是好古篤志之倫爭獻所見僉願爲閣下用某領命以來感戴罔鄂刮目以望事成仄承大朝重發令曰當今以國用叢脞庶績蝟毛姑因循元享之舊制補理從前之垣柵又聞坂府奉令既就祇役若然者山陵志已降諸家所述作當實不問是狀某之所大望乎今日也恭以聖子神孫臨御宇內奕葉累世宰制生民河山之固六服來同帶礪之誓九州奔走可謂皇統億載天下一家者而山陵之典饗未備具某竊爲明時惜之比年蠻夷並進民情不靖朝廷大有事于群神於斯時也決行檢陵垂禁禦之法於將來實